

四庫全書

史部

欽定四庫全書

經義考卷二百八十一

翰林院檢討朱彝尊撰

承師一

先民有言言六藝者折中於夫子受業身通者七十有七人皆傳經之選矣故曰七十子喪而大義乖後之譜九經師授者率始於漢挹其流而未探夫源者也茲述承師自仲尼

之徒始

孔子弟子

魯秦子商字丕茲

家語作丕慈
史記作子丕

少孔子四歲唐開元二

十七年追贈上洛伯宋大觀四年贈馮翊侯

按高郵夏氏孔門弟子記略及闕里廣志皆

云商少孔子四十歲然秦子父董父偃陽之

役與叔梁紇俱以力聞宜與孔子生年相近

今據家語舊聞暨史記索隱蘇氏古史文正之

又宋大中祥符元年贈孔門弟子侯爵商未
得與至大觀四年禮局上言遂補贈馮翊侯
闕里志誤以秦祖鄆城之封移之商非也

魯顏子無繇

家語少無
字繇作由

字季路少孔子六歲唐追贈杞

伯宋贈曲阜侯元進杞國公諡文裕

蒲大夫卞仲子由字子路

子亦
作季

少孔子九歲唐追贈衛

侯宋贈河內侯衛公

魯南武曾子蒧

亦作
點

字子皙唐追贈宿伯宋贈萊蕪侯

蔡漆雕子開字子若

史記作子開

少孔子十一歲習尚書唐

追贈滕伯宋贈平興侯

漢藝文志漆雕子十二篇

鄭康成曰魯人

按慈湖楊氏先聖大訓以開為憑恐誤

魯閔子損字子騫少孔子十五歲唐追贈費侯宋贈琅

邪公改費公

按閔子少孔子十五歲史記家語文同小司

馬索隱可證今本家語多謊作五十歲夏氏從之非也

魯冉子雍字仲弓少孔子二十九歲唐追贈薛侯宋贈下邳公改薛公

按今本家語仲弓無年歲而史記索隱文有之

魯冉子求字子有

家語仲弓之宗族

少孔子二十九歲唐追贈

徐侯宋贈彭城公改徐公

魯商子瞿字子木少孔子二十九歲唐贈蒙伯宋贈須

昌侯

齊梁子鱣

或作鯉

字叔魚少孔子二十九歲

家語作三十九歲

唐

贈趙伯宋贈千乘侯

魯顏子回字子淵少孔子三十歲唐追贈兗國公宋因

之元至順中贈復聖公

衛士師齊高子柴字子羔

左傳作季羔檀弓韓非子作子臯

少孔子三

十歲

家語作四十

唐贈共伯宋贈共城侯

鄭康成曰衛人

王應麟曰衛高柴為孔子弟子後居于魯

單父宰陳巫馬子施字子期

史記作旗

少孔子三十歲唐贈

鄆伯宋贈東阿侯

鄭康成曰魯人

魯衛相衛端木子賜字子貢少孔子三十一歲唐贈黎

侯宋贈黎陽公進黎公

魯有子若字子有

或作子若

少孔子三十三歲唐贈卞伯宋

欽定四庫全書

經義考
卷二百八十一

四

贈平陰侯

按小司馬據家語文云少三十三歲今本家語作三十六歲殆誤也

武城宰吳言子偃字子游少孔子三十五歲

史記作四十五

唐

贈吳侯宋贈丹陽公改吳公

許慎說文偃作衎象旌旗之游字子游

魯樊子須字子遲少孔子三十六歲

家語作四十六

唐贈樊伯

宋贈益都侯

鄭康成曰齊人

宋原子憲

檀弓稱仲憲

字子思少孔子三十六歲唐贈原伯

宋贈任城侯

鄭康成曰魯人

魯大夫武城澹臺子滅明字子羽少孔子三十九歲唐贈江伯宋贈金鄉侯

單父宰魯宓子不齊字子賤少孔子三十九歲唐贈單伯宋贈單父侯

按史記索隱引家語云少孔子四十九歲而

欽定四庫全書

經義考
卷二百八十一

五

今本家語無九字索隱又引史記文三十而
今本史記作四十流傳既久均失其故矣

陳陳子亢

說文
作伧

字子禽少孔子四十歲唐贈穎伯宋贈

南頓侯

按班固古今人表其載孔門弟子甚畧獨陳
子三見一陳亢一陳子禽居中中一陳子亢
居中下不得其解

魯公西子赤字子華少孔子四十二歲唐贈郃伯宋贈

鉅野侯

莒父宰衛卜子商字子夏少孔子四十四歲晚為衛文

侯師唐贈魏侯宋贈東阿公

或作河東公

改魏公

鄭康成曰溫國人

南武城曾子參字子輿少孔子四十六歲初仕于莒其
後齊迎以相楚迎以令尹晉迎以上卿唐開元中追贈
郕伯宋大中祥符二年進郕侯政和元年改贈武城侯
咸淳三年進郕國公元至順中贈宗聖公

漢藝文志曾子十八篇

王應麟曰參與弟子公明儀樂正子春單居離曾元
曾華之徒論述立身孝行之要天地萬物之理

魯顏子幸

通典作柳咸淳臨
安志作韋或作幸

字子柳少孔子四十六歲

唐贈蕭伯宋贈陽穀侯

陳顓孫子師字子張少孔子四十八歲唐贈陳伯宋贈

宛邱侯改陳公

魯冉子孺字子魯

或作曾

少孔子五十歲唐贈紀伯宋贈

臨沂侯

蔡曹子邱字子循少孔子五十歲唐贈曹伯宋贈上蔡侯

魯伯子虔

家語作處

字子析

家語作哲

少孔子五十歲唐贈聊伯

宋贈洙陽侯

按伯虔史記家語不著何地人考咸淳臨安志云是魯人宋思陵贊曰有虔子析全魯之彥當必有所本也聊伯志作駢伯

魯顏子高

史記索隱云家語名產今本家語作顏刻

字子騫少孔子五十歲

唐贈琅邪伯宋贈雷澤侯

魯叔仲子會字子期少孔子五十歲

魯峻石壁畫像云

唐贈瑕

邱伯宋贈博平侯

鄭康成曰晉人

楚公孫子龍字子石少孔子五十三歲唐贈黃伯宋贈

枝江侯

按家語稱龍衛人然唐宋追封皆楚地蓋從

北海鄭氏之說若為堅白異同之論者乃趙人樂正子輿謂其行無師學無友非孔子弟子可知

右有年歲著于家語史記隸續者三十有一人并曾歲共三十二人內顏淵年數王肅疑其錯誤

按杏壇設教必先長幼之序斯史記家語咸紀弟子之年茲先書三十二人而萊蕪侯無

年歲次于衛公者依侍坐四子倫序書之不可以邨公先之也

中都宰魯丹子耕字伯牛唐贈鄆侯宋贈東平公改鄆公

按聖門志闕里廣志稱伯牛少孔子七歲不審何據

臨淄大夫魯宰子予字子我唐贈齊侯宋贈臨淄公改齊公

魯史記作齊公冶子長家語作萇字子長唐贈莒伯宋贈高密侯

范甯曰名芝字子長

魯南宮子縉或作縉一名括或作适字子容唐贈郟伯宋贈

襲邱侯改汝陽侯

夏洪基曰南宮适之為敬叔非也按史記南宮适字

子容初未嘗云是孟僖子之子孟懿子之兄也而索

隱注遽云是孟僖子之子仲孫閱論語集注亦云諡

敬叔孟懿子之兄史無其文也可疑一也适見家語

一名緇是适已有二名矣而左傳孟僖子云必屬說
與何忌子夫子索隱又云仲孫閱是又二名天下豈
有一人而四名者乎可疑二也孔子在魯族姓頗微
而南宮敬叔公族元子豈從孔子時定已娶于強家
矣豈孔子得以兄子妻之可疑三也禮記檀弓載南
宮敬叔反必載寶而朝孔子曰喪不如速貧之為愈
也若而人豈能抑權力而伸有德謹言語而不廢于
有道之邦邪愚以敬叔之與南宮适皎然二人矣

按史記南宮括字子容論語括作适家語南
宮縚字子容鄭康成注檀弓稱南宮縚孟僖
子之子南宮閔也字子容其妻孔子兄女又
稱南宮敬叔魯孟僖子之子仲孫閱也左氏
傳昭公七年孟僖子屬說與何忘于夫子使
事之杜預注云說南宮敬叔僖子之子然則
括也适也縚也說也閔也一子容而名有五
也崇禎末高郵夏洪基元開輯孔門弟子傳

畧以南宮縚适括字子容為一人以仲孫說
閻諡敬叔者為一人至于說苑所載南宮邊
子謂是适字之謬然漢書古今人表既有南
容又有南宮敬叔又有南宮邊子顏師古注
于南宮則云南宮縚也于敬叔則名南宮适
也是縚與适适與邊子均未可混而為一矣

齊公皙子哀

家語
作克

字季次

或作
沈

唐贈郕伯宋贈北海侯

顧炎武曰汶上縣有漢衛尉卿衡方碑其文曰履該

顏原兼修季由洪适以顏原為顏淵原憲而都穆以
季由即季路與兼修意不協按公皙哀字季次不為
家臣太史公與原憲並稱一稱字一稱名亦古文所
嘗有也

陳公良子孺字子正唐贈東牟伯宋贈牟平侯

宋司馬子耕

家語耕上
有黎字

字子牛唐贈向

或作
滕

伯宋贈楚

邱侯改睢陽侯

衛琴子牢字子開一字子張唐贈南陵伯宋贈頓邱侯

改贈陽平侯

家語有史記無

秦秦子祖字子南唐贈少梁伯

咸淳臨安志作少梁

宋贈鄆城侯

衛奚容子蒧字子哲

一云字子楷

唐贈下邳伯宋贈濟陽侯

魯公祖子句茲字子之唐贈期思伯宋贈即墨侯

衛廉子潔字子庸唐贈莒父伯宋大觀中補贈胙城侯

齊公西子輿如字子上唐贈重邱伯宋贈臨朐侯

宰

或作卑

父子黑字子素唐贈乘邱伯宋大觀中補贈祁

鄉侯

魯公西子歲字子尚唐贈祝阿伯宋贈徐城侯

秦壤駟子赤字子徒

或作從

唐贈北徵伯宋贈上邽侯

魯丹子季字子產唐贈東平伯宋贈諸城侯

薛子邦字子從

鄭子國字子徒唐贈滎陽伯宋贈宋贈朐山侯

司馬貞曰家語薛邦字從史記作國而家語稱邦者

蓋避漢祖諱而改鄭與薛字謚也

按仲尼之徒名字間有同者既有曾歲亦有
奚容歲又有公西歲既有丹耕亦有司馬耕
既有宓不齊又有任不齊既有公西赤亦有
壤駟赤既有卜商亦有秦商既有原亢亦有
陳亢既有狄黑亦有宰父黑既有丹孺亦有
公良孺既有秦祖亦有顏祖此名不嫌同也
冉求字子有有若漆雕徒父亦字子有顏無
繇字季路仲由亦字季路顏孫師字子張琴

牢亦字子張巫馬施字子期叔仲會亦字子
期公西歲字子上公西與如亦字子上秦非
字子之公祖句茲亦字子之原憲字子思燕
伋亦字子思曾歲字子皙伯虔狄黑奚容蒧
亦字子皙壤駟赤字子徒鄭國亦字子徒秦
丹字子開琴牢亦字子開申績字子周公伯
繚亦字子周縈旂字子祺縣成亦字子祺顏
嚙字子聲樂欬亦字子聲漆雕哆字子斂邾

巽亦字子斂此字不嫌同也然則薛邦鄭國
子徒子從安得以名字相類而並疑其姓氏
之誤邪乃議祀典者封鄭而罷薛安見其必
為一人揆之于禮終有未安也

齊后

今本家語誤石

子處字子里唐贈營邱伯宋大觀中補贈

膠東侯

魯左人子郢字子行唐贈臨淄伯宋贈南華侯

衛狄子黑字子皙

家語作皙之

唐贈臨濟伯宋贈林慮侯

魯商子澤字子秀唐贈睢陽伯宋贈鄒平侯

楚任子不齊字子選唐贈任城伯宋贈當陽侯

魯縯字旂家語作旂字子祺家語作縯唐贈雋妻伯宋贈厭次

侯

魯顏子增字子聲唐贈朱虛伯宋贈濟陰侯

原子亢家語作亢或作桃字子籍唐贈萊蕪伯宋贈樂平侯

晉魯或作魯公肩子定字子中唐贈新田伯宋大觀中補贈

梁父侯

魯秦子非字子之唐贈汧陽伯宋贈華亭侯

漆雕子徒父

家語名從

字子文

或云字子有

唐贈須句伯宋贈高

苑侯

燕子伋

或作級

字子思唐贈漁陽伯宋贈汧源侯

魯公夏子守字子乘宋大觀中補贈鉅平侯

按魏志有公夏浩或子乘之後

衛勾子井疆字子疆唐贈淇陽伯宋贈滏陽侯

齊少叔子乘字子車唐贈淳于伯宋贈博昌侯

按應劭風俗通云凡氏于字伯仲叔季是也
氏有太叔仲叔則有少叔無足異者子車之
姓家語史記諸書皆作步而廣韻注云孔子
弟子有少叔乘係複姓今從之

石作子蜀字子明唐贈石邑伯宋贈成紀侯

魯邾子巽

史記索隱作邾巽文翁石室
圖作國選宋語巽亦作選

字子斂唐贈平

陸伯宋贈高堂侯

魯施子之常字子恒唐贈乘氏伯宋贈臨濮侯

魯申子續字子周

家語今本作續

申子棠字周

史記今本作棠禮殿圖作儻

唐贈邵陵伯宋贈淄川侯

申子振

論語

字子續

咸淳臨安志

唐贈魯伯

臨安志作何伯

宋贈文登

侯

陸德明曰申振鄭康成云蓋孔子弟子申續史記云

申棠字周家語云申續字周也

司馬貞曰文翁圖所記有申振申棠

王應麟曰史記申棠字周家語申續字周今史記以

棠為黨家語以續為績傳寫之誤也後漢王政碑云
有羔羊之絮無申棠之欲亦以棖為棠則申棠申棖
一人耳唐開元封申黨召陵伯又封申棖魯伯本朝
祥符封棖文登侯又封黨淄川侯俱列從祀黨即棠
也一人而為二人失於詳考陸氏釋文也史記索隱
謂文翁圖有申棠申棖今所傳禮殿圖有申黨無申
棖

按七十子顏氏居其八冉氏居其五秦氏居

其四公西氏漆雕氏居其三商氏原氏居其
二若申枏申棠文翁圖記並列開元祥符亦
竝追封鄭康成陸德明疑為一人則以續棠
竝字周也夫棠黨字義相近合之可耳而高
郵夏洪基強以棠枏為諧聲字亦近鑿且如
公西歲公西興如同字子上未嘗不竝祀何
獨續與黨同字必當去其一乎竊謂唐宋議
禮諸儒未為不是有其舉之莫或廢也記有

之矣

魯樂子欬

或作欣

字子聲唐贈昌平伯宋大觀中補贈建

成侯

按春秋定公十二年費宰公山不狃率費人以襲魯孔子命申句須樂頎勒士衆下伐之費人北遂隳三都之城杜預注以二人為魯大夫考樂欬家語作樂欣欣與頎偏旁相同疑頎即是欣且文云孔子命之其為弟子未

可知也

魯顏子之僕字子叔唐贈東武伯宋贈宛句侯

魯孔子忠

或作弗

字子蔑孔子兄孟皮子唐贈汶陽伯宋

贈鄆城侯

魯漆雕子哆字子斂唐贈武城伯宋贈濮陽侯

魯縣子成字子祺

今本家語作子橫

唐贈鉅野伯宋贈武城侯

魯顏子相

史記作祖

字子襄唐贈臨邑伯宋大觀中補贈富

陽侯

司馬貞曰家語無此人

按孟子昔者曾子謂子襄曰或是語顏子亦

未可定

魯公伯子寮

論語作寮史記索隱作僚今本作僚又作遼或云即申僚

字子周唐贈

任伯宋贈壽張侯

馬融曰寮魯人弟子也

按公伯僚見史記弟子傳又見文翁禮殿圖
必非無稽之言後儒以愬子路一事斷為非

聖人之徒然論語聖門六十人所記公是公
非有過未嘗少隱即宰我冉有陳亢過皆不
免似未可以一眚而盡掩其生平也子長引
孔子之言受業身通者七十有七人皆異能
之士寮蓋其一矣而致堂胡氏因家語不列
其名氏謂史記失之迨明程敏政乃建議謂
是聖門之蟲螭請罷其祀嘉靖中行人司正
薛侃復謂公伯寮及秦冉顏何皆不見于家

語而傳會于史記請均去之愚謂家語史記
周公禮殿圖傳聞異辭則有之若專信家語
以史記為傳會未免失之偏矣

鄒子單字子家唐贈銅鞮伯宋大觀中補贈聊城侯

史記禮殿圖有家語無

秦子丹字子開唐贈彭衙伯宋贈新息侯

史記禮殿圖有家語無

魯顏子何字子丹唐贈開陽伯宋贈堂邑侯

史記有家語無

按秦丹願何二子于弘治元年少詹事程敏政請正祀典疑為字畫相近之誤而罷其配食自謂不舛于禮一洗前代相習之陋永為百世可遵之典然生數千載之後安見二子必無其人釋曇積上言于周太祖曰孔子領徒三千達者七十有二升堂入室者莫過數人自餘已外豈容斥逐彼釋氏之言尚然乃

以臆見斥先賢之祀天資刻薄之言吾未信
為百世可遵也

廉子瑀

禮殿圖有家語史記無

魯孺子悲

按小戴禮雜記恤由之喪哀公使孺悲之孔
子學士喪禮士喪禮于是乎書鄭康成注云
士之喪禮已廢矣孔子以教孺悲國人乃復

書而存之方慤注云喪禮將亡聖人不可以
不書必待孺悲學之然後孔子書之者以明
禮之不廢亦有所因也蓋孔門自子夏兼通
六藝而外若子木之受易子開之習書子與
之述孝經子貢之問樂有若仲弓閔子騫言
游之撰論語而傳士喪禮者實孺悲之功也
惟因論語紀悲欲見而孔子以疾辭疑孔子
拒之門牆之外不屑教誨當知始雖辭疾終

授以禮以親受禮于孔子之儒反不得與配
食之列斯則祀典之闕矣

公罔子之表

序子點

按二子從射矍相之圃孔子使揚解而語凡
禮記射義射既闕子路進曰由與二三子者
之為司馬何如孔子曰能用命矣則家語載
之家語首言孔子與門人習射于矍相之圃

子路之云曰二三子是二子為孔子弟子無疑也

仲孫子何忘僖子纓之子也卒諡懿子

按春秋左氏傳孟僖子將死召其大夫曰孔子聖人之後也臧孫紇有言曰聖人有明德者若不當位其後必有達人今其將在孔子乎我若獲沒必屬說與何忘于夫子使事之而學禮焉故孟懿子與南宮敬叔師事仲尼

據此緣僖子病不能相禮故曰禮人之幹也
無禮無以立乃屬二子事孔子學禮焉懿子
問孝對曰無違蓋語以無違僖子學禮之命
樊遲不知子告之以生事之以禮死葬之以
禮祭之以禮舍禮無以教懿子也孔叢子又
載懿子問書欽四鄰之義不可不附弟子之
列云

仲孫子說

亦作閏

孟僖子之子懿子之弟居南宮又曰南

宮敬叔

按世本仲孫纘生南宮縚孔安國以南宮适
即敬叔魯大夫鄭康成注禮云敬叔魯孟僖
子之子仲孫閱是也又云南宮縚孟僖子之
子南宮閱也字子容其妻孔子兄女陸德明
釋文云南宮閱一名縚司馬貞史記索隱亦
云南宮括家語作南宮縚按其人是魯孟僖
子之子仲孫閱也近高郵夏洪基辨南宮适

括緇字子容是一人仲孫閱說謚敬叔是一
人考春秋名號歸一圖仲孫閱即南宮敬叔
僖子之子孔子弟子也而不及括緇則夏說
似屬可從昔孔子將適周敬叔言于昭公資
車一乘馬二匹與敬叔俱至周問禮于老聃
問樂于苴弘觀郊社之所考明堂之制察廟
朝之度自周反魯弟子稍益進焉子曰自南
宮敬叔之乘我車也而道加行是敬叔在弟

子之列有功于聖門者矣今祀典配适而無
閔不可無議焉

孔子璇

按嘉靖中張孚敬改定祀典以秦丹顏何疑
為字畫之誤而罷其祀又以薛邦疑即鄭國
遂亦罷祀而並黜孔璇其說本于程敏政考
秦丹開元中追封彭衙伯大中祥符間加封
新息侯顏何開元中封開陽伯大中祥符間

加封堂邑侯自唐迄明從祀已久所謂有其
舉之莫或敢廢而乎敬廢之過矣家語孔璇
叔仲會年相比俱執筆迭侍孔子孟武伯見
孔子而問曰此二孺子之幼也于學豈能識
于壯哉孔子曰然少成則天性也習慣若自
然也惟因二子合傳故不復別標璇名今會
既得祀璇不應獨遺矣此則祀典之闕也

衛司寇惠叔蘭

按家語子游嘗從孔子適衛與將軍子蘭相
善使之受學于夫子司寇惠子之喪檀弓文
也鄭司農注云惠子衛將軍文子彌牟之弟
惠叔蘭也古今議弟子從祀者率本家語而
孔璇惠叔蘭獨遺之不當補其闕乎又荀卿
法行篇南郭惠子問於子貢曰夫子之門何
其雜也子貢曰君子正身以俟欲來者不距
欲去者不止且夫良醫之門多病人藥括之

側多枉木是以雜也楊倞注云夫子弟子未
詳其姓名蓋居南郭因以為號據此疑即蘭
也

魯太史左丘明唐貞觀十三年詔與顏淵同從祀廟
庭宋祥符中贈瑕丘伯政和中改贈中都伯

按左氏為孔子弟子主其說者衆矣謂孔子
將修春秋與左丘明乘如周觀書于周史歸
而修春秋之經丘明為之傳者嚴彭祖也謂

左丘明親見夫子好惡與聖人同者劉歆也
謂仲尼與丘明觀魯史記有所褒貶口授弟
子弟子退而異言丘明恐弟子各安其意以
失其真故論本事而作傳者班固也謂左氏
傳理長至明至切至直至順長于二傳者賈
逵也謂春秋諸家去孔子遠左氏傳出孔子
壁中近得其實者王充也謂丘明之傳囊括
古今表裏人事者盧植也謂丘明受經于仲

尼者杜預也謂孔子作春秋丘明子夏造滕
親受者荀崧也謂丘明之傳釋孔氏之經子
應乎母以膠投漆者孔穎達也謂丘明躬為
魯史受經于仲尼者劉知幾也謂左氏受經
于仲尼博采諸家叙事尤備能令萬代之下
見其本末比餘傳功最高者啖助也謂仲尼
明周公之志而修經丘明受仲尼之經而為
傳者權德輿也謂孔子之門左氏富而不誣

有以見聖賢之心者劉軻也謂丘明與聖人
同時接其聞見參求其長左氏為上者陳岳
也蓋自唐以前諸儒之論皆以丘明受業孔
門故貞觀永徽中祀周公為先聖孔子為先
師是時孔庭配食止顏淵左丘明二人褒崇
之禮若此迨宋羣儒盡舍三傳說春秋久而
論世者惑于趙匡之說則疑左氏在孔子之
前惑于王安石之說則疑左氏生孔子之後

衆口紛綸迄無定論遂使唐代特祀之先賢
並不得與七十子之列然則漢晉以來經生
之說均不足信邪竊以為議禮者之失矣餘
見春秋部

魯林子放唐贈清河伯宋贈長山侯

按家語弟子解史記弟子傳均無林放姓名
惟蜀禮殿圖有之

牧子皮

趙岐曰牧皮事孔子學者

按孟子與琴張曾皙並稱此必孔子之所與
似不宜置之祀典之外

常子季

按莊子德充符篇常季問于仲尼曰王駘兀
者也從之游者與夫子中分魯郭象注常季
孔子弟子

魯大夫子服子何景伯

按漢魯峻石壁畫七十二子像有子服景伯
唐劉懷玉作孔聖真宗錄以子服景伯在七
十子之間

賓牟子賈

廣韻注漢複姓魯有賓牟賈

按樂記賓牟賈待坐于孔子孔子與之言及
樂賓牟賈起免席而請斯弟子之職也子曰
居吾語女論語之命季路孝經之命子與皆

然孔子蓋以師道自居則賈在弟子之列明
矣惟是孔子語弟子必呼其名而記稱之曰
吾子豈記禮者去聖人之世稍後遂有此失
乎

鞠子語

按晏子春秋景公上路寢聞哭聲曰吾若聞
哭聲何為者也梁邱據對曰魯孔子之徒鞠
語者也明于禮樂審于服喪其母死葬埋甚

厚服喪三年哭泣甚哀公曰豈不可哉而色
悅之孔叢子詰墨篇亦載其事蓋曾參閔損
高柴仲由孺悲而外又一孝子也

齊大夫顏子涿聚

或作濁鄒

按呂覽云顏涿聚梁父之大盜也學于孔子
為天下名士以終其壽而史記孔子世家稱
弟子三千身通六藝者七十有二人如顏濁
鄒之徒受業者甚衆則雖不在七十子之列

然不可謂非孔氏之徒矣

右家語弟子解七十六人又與叔仲會合傳
有孔璇又別見者惠叔蘭共七十八人史記
弟子傳七十七人別見孔子世家者有顏涿
聚共七十八人蘇轍撰古史著錄七十九人
家語有而史記無者琴牢薛邦申續陳亢縣
亶也史記有而家語無者公伯寮鄭國申棠
鄒單秦冉顏何也蓋以論語之申枨左丘明

文翁禮殿之廉瑀林放魯峻石壁畫像之子
服何禮雜記之孺悲射義之公罔之裘序點
樂記之賓牟賈春秋左氏傳之仲孫何忌仲
孫閱晏子之鞠語孟子之牧皮莊子之常季
而廣韻注以縣宜為孔子門人非弟子通計
九十八人竊謂中有姓氏相近者不當以臆
見去留先師之庭宜槩從祀他若論語之闕
黨互鄉二童子魯峻石壁畫像之左子慮襄

子孺襄子魯公子在顏子思夫子高韋續書
品為素王紀瑞製麒麟書之申姓名闕失又
蘧伯玉孔子嚴事之友施存雖載陶弘景直
誥在三千人之數不與弟子之列不復著錄
恐滋後學之惑也

又按孔門弟子籍漢藝文志有孔子徒人圖
法二表隋經籍志有鄭康成論語孔子弟子
目錄一卷

唐藝文志作論語篇目弟子

惜俱失傳議禮者

止以家語為憑至斥史記為傳會若文翁禮
殿圖置之不復參詳矣又會要通典祖庭廣
記素王紀事孔門僉載闕里志等編紀諸弟
子連書姓名統不分析以致明南北雍闕里
廟暨海內外府州縣衛學從祀弟子率改複
姓為一字姓沿其誤而不知今依廣韻注如
奚容壤駟左人少叔石作左丘悉為更正冀
信古之君子有取焉

又按古今人表于孔子弟子居第二等者左
丘明顏淵閔子騫冉伯牛仲弓居第三等者
宰我子貢冉有季路子游子夏曾子子張曾
皙子賤南容公冶長公西華有若漆雕啟澹
臺滅明樊遲巫馬期司馬牛子羔原憲顏路
商瞿季次公良顏刻顏柳居第四等者孟懿
子南宮敬叔公伯寮公肩子子石琴牢宥牟
賈居第五等者顏燭離陳亢林放申枨子服

景伯



欽定四庫全書

經義考
卷二百八十一

三

經義考卷二百八十一

欽定四庫全書

史部

經義考卷二百八十二至
六

詳校官編修_臣李堯棟

編修_臣程嘉謨覆勘

總校官知縣_臣繆琪

校對官編修_臣勵守謙

謄錄監生_臣愍意誠

欽定四庫全書

經義考卷三百八十二

翰林院檢討朱彝尊撰

承師二

孔子門人

成回

劉向白成回學於子路

楚馭臂子弓

或作弘

司馬遷曰孔子傳易於商瞿瞿傳楚人馯臂子弘
應劭曰子弓是子夏門人

韓子曰荀卿之書語聖人必曰孔子子弓子弓之事
業不傳惟太史公書弟子傳有姓名曰馯臂子弓

吳萊曰荀卿所重仲尼子弓子弓未審何人韓子曰
仲尼弟子有馯臂子弓漢儒林傳商瞿受易仲尼瞿
傳魯橋疵子庸子庸傳江東馯臂子弓子弓與仲尼
不同時又行事無大卓卓不足以配孔子邢昺論語

疏引王弼說逸民朱張字子弓然弼說又不見有他據也要之孔子嘗稱冉雍可使南面且在德行之科雍字仲弓蓋與子弓同是一人如季路又稱子路然也將荀卿之學實出於子弓之門人故尊其師之所自出與聖人同列

按子庸傳易於子弓弓或作弘吳氏欲更作雍未免失之鑿矣

魯橋庇子庸

班固曰商瞿受易孔子以授魯橋庇子庸

司馬貞曰橋庇世本作矯疵字子肩魯莊公族

按子木傳易史記謂子弘授子庸漢書漢紀
釋文謂子庸授子弓所載互異今並存之

魏文侯都

徐廣曰名都世本曰斯也

鮑彪曰桓子之孫

吳師道曰名勘

按文侯受經藝於子夏撰有孝經傳詳見孝
經部

晉段干木

呂不韋曰段干木晉國之大駟也學於子夏為天下
名士顯人以終其壽

羅泌曰段干氏初邑段後邑干因邑為氏魏世家有
段干子田世家有段干朋而風俗通氏姓注乃以為
姓段名干木蓋以呂氏春秋干木光于德與魏都賦

干木之德之言誤之唐百官表遂謂封段而為干木
大夫踈矣幽通賦云木偃息以藩魏干木豈其名哉
田無擇子方

李頤曰魏文侯師也名無擇

韓子曰子夏之學其後有田子方子方之後流而為
莊周故周之書喜稱子方之為人

齊高行子

趙岐曰高子齊人

徐整曰子夏授詩於高行子

王應麟曰高行子即詩序及孟子所謂高子也

曾申子西

劉向曰左丘明授春秋於曾申

趙岐曰曾西曾子之孫

陸德明曰曾參之子受詩於子夏

王應麟曰曾西趙岐注以為曾子之孫集注因之經典序錄曾申字子西曾參之子子夏以詩傳曾申左

丘明作傳以授曾申曾西之學於此可考楚鬬宜申公子申皆字子西則曾西之為曾申無疑

按史記吳起事曾子其母死不歸曾子薄之而與起絕所云曾子疑是曾申

齊公羊高宋贈臨菑伯

詳見春秋部

吳兢曰公羊高乃子夏弟子

魯穀梁赤宋贈龔邱伯改贈睢陽伯

詳見春秋部

應劭曰子夏弟子

按羅長源撰路史炎帝之後不言有公羊穀
梁氏羅子蒼識遺云公羊穀梁自高赤作傳
外更不見有此姓萬見春謂皆姜字切韻脚
疑為姜姓假託然自高傳子平平傳子地地
傳子敢敢傳子壽見於戴宏所記而班氏古
今人表載有二子居第四等計劉氏宋氏世
本亦必載之未必假託也

又按春秋為孔子所作則說春秋者必係孔

欽定四庫全書

經義考
卷二百八十二

五

氏門人若公羊傳所稱沈子司馬子女子北
宮子魯子高子穀梁傳所稱尸子沈子皆是
已子言之春秋屬商其皆子夏之徒與

子思子伋宋崇寧初贈沂水侯咸淳中加贈沂國公元
至順中贈述聖公

孔鮒日子思受業於曾子

韓子曰子思之學蓋出曾子

按班氏古今人表子思居第二等

樂正子春

鄭康成曰曾子弟子

魯檀弓

陸德明曰檀弓魯人善于禮

胡寅曰檀弓曾子門人纂修論語

沈猶行

趙岐曰曾子弟子

按廣韻注沈直深切漢複姓魯有沈猶氏常

朝飲其羊不當從上聲讀

陽膚

包咸曰陽膚曾子弟子

公明高

趙岐曰公明高曾子弟子

公明宣

劉向曰公明宣學於曾子

單居離

大戴禮記注曰單居離曾子弟子

公明儀

孔穎達曰子張之喪公明儀為志焉公明儀是其弟子儀又為曾子弟子故祭義云公明儀問於曾子曰夫子可以為孝乎是也

子襄

趙岐曰曾子弟子

公孫尼子

按漢書藝文志儒家有公孫尼子二十八篇
雜家有公孫尼一篇注云七十子之弟子隋
經籍志唐藝文志均載公孫尼子一卷注云
似孔子弟子沈約謂樂記取公孫尼子劉瓛
謂緇衣公孫尼子所作今從漢志定為孔子
門人

世碩

按漢志世子二十一篇列在儒家者流注云

名碩陳人七十子之弟子王充論衡本性篇
周人世碩以為人性有善有惡在所養焉故
作養書一篇宓子賤漆雕開公孫尼子之徒
亦論性情與世子相出入志所載宓子十六
篇漆雕子十二篇皆宗師仲尼以重其言者
也

景子

按漢志景子三篇注云說宓子語似其弟子

王史氏

劉向曰六國時人

按漢志王史氏二十一篇注云七十子後學者

李克

按漢志李克七篇注云子夏弟子為魏文侯相

竿嬰

按漢志羊子十八篇注云名嬰齊人七十子
之後

公孫段

韓非曰孔子之後儒分為八有子張氏子思氏顏氏
孟氏漆雕氏仲良氏公孫氏樂正氏之儒

陶潛曰顏氏傳詩為道為諷諫之儒孟氏傳書為道
為䟽通致遠之儒漆雕氏傳禮為道為恭儉莊敬之
儒仲良氏傳樂為道以和陰陽為移風易俗之儒樂

正氏傳春秋為道為屬辭比事之儒公孫氏傳易為
道為潔靜精微之儒

按儒分為八其一公孫氏傳易者也羣輔錄
有明徵而未詳其名攷晉書太康二年汲郡
人不準發魏王冢得竹書易五篇公孫段與
邵陟論易二篇此則公孫氏之易矣或疑公
孫氏為龍龍字子石雖在七十子之列不聞
傳易若趙人名龍者字子秉故莊子謂惠子

曰儒墨楊秉四與夫子為五果孰是邪所云
秉者龍也詭辭數萬騁堅白異同之辯初非
孔氏弟子小司馬史記索隱誤認為一人今
攷定傳易者為公孫段若鄭大夫字伯石者
又一人也

縣亶父

亶索隱作豐家語無父字依廣韻注添

子象

王應麟曰縣豐唐宋封爵皆不及禮記檀弓有縣子
豈其人與

按子象為孔子門人見廣韻注此唐宋封爵
未之及云

公休哀

公祈哀

廣韻注孔子門人有公休哀公祈哀

按公祈哀疑即公皙哀以皙作祈形相類而
譌也然廣韻注既列孔子弟子公皙哀於前
又列孔子門人公祈哀於後則別是一人未

可臆決也

盆成适

按晏子春秋景公宿于路寢之宮夜分聞西方有男子哭者公悲之明日朝問于晏子晏子對曰西郭徙居布衣之士盆成适也父之孝子兄之順弟也又嘗為孔子門人今其母不幸而死祔柩未葬家貧身老子鵠恐力不能合祔是以悲也公曰子為寡人弔之嬰往

弔咎公不辱臨公使男子袒免女子髮笄開
凶門而迎适則适乃與景公同時不當與孟
子弟子之列宋配祀孟子追贈萊陽伯趙邵
卿言适嘗欲學於孟子亦疑辭也

歐陽子有言受業者為弟子受業於弟子者
為門人試稽之論語所云門人皆受業於弟
子者也顏淵死門人厚葬之此顏子之弟子
也子出門人問此曾子之弟子也子疾病子

路使門人為臣又門人不敬子路此子路之
弟子也子夏之門人問交於子張此子夏之
弟子也孟子云門人治任將歸入揖於子貢
此子貢之弟子也觀洪氏隸釋隸續所載東
漢諸碑有弟子復有門生門人弟子固有別
矣若夫弟子之子分比於門人子淵子與本
門人也而列於弟子他如季路之子子崔子
輿之子元及華子游之子言思子張之子申

詳雖未詳其所師要當互學於七十子者也
又按孔子門人古今人表居第三等者樂正
子春段干木田子方第四等者公羊子穀梁
子公明高第五等者陽膚第六等者檀弓而
子張之子申詳亦置第三等

曾申弟子

李克

吳起

按曾申受詩于子夏受春秋于左丘明以授
克與起焉是二人者皆子西之弟子矣

公明高弟子

長息

趙岐曰長息公明高弟子

田子方弟子

翟黃

按韓非子田子方從齊之魏望翟黃乘軒騎

駕出方以為文侯也移車異路而避之則徒
翟黃也是黃子方弟子也

公羊高子

公羊平

戴宏曰子夏傳春秋於公羊高高傳與其子平

穀梁子弟子

孫卿

顏師古曰穀梁子受經於子夏傳孫卿

按子夏詩四傳為根牟子五傳而至孫卿古
今人表居二等

高行子弟子

薛倉子

李克弟子

孟仲子

趙岐曰孟仲子孟子之從昆弟

吳起子

欽定四庫全書

經義考
卷二百八十二

十四

吳期

劉向日左丘明授曾申申授吳起起授其子期

薛倉子弟子

帛妙子

孟仲子弟子

根牟子

古今人表居第六等

吳期弟子

楚太傅鐸椒

公羊平子

公羊地

孫卿弟子

魯申公

毛亨

帛妙子弟子

毛亨

按陸氏釋文子夏詩五傳而至孫卿卿傳大
毛公而徐整則云帛妙子授大毛公今並存
之

公羊地子

公羊敢

公羊敢子

公羊壽

戴宏曰壽乃共弟子胡毋子都著於竹帛

子思弟子

費惠公

子思門人

孟子軻字子居

一作車

宋元豐中贈鄒國公元至順中贈

亞聖公

按史記孟子列傳受業子思之門人而王劭
疑人字為衍文韓退之亦云孟子學子思蓋
本趙岐孔鮒之說也詳見孟子部

孟子弟子

樂正克宋政和中贈利國侯

趙岐曰孟子弟子為魯臣

萬章宋贈博興伯

趙岐曰孟子弟子

公孫丑宋贈壽光伯

趙岐曰孟子弟子

浩生亦作告不害宋贈東阿伯

趙岐曰齊人

孟仲子宋贈新蔡伯

趙岐曰孟子之從昆弟從學于孟子者也

陳臻宋贈蓬萊伯

趙岐曰孟子弟子

充虞宋贈昌樂伯

趙岐曰孟子弟子

屋廬連宋贈奉符伯

趙岐曰孟子弟子

徐辟宋贈仙源伯

趙岐曰孟子弟子

陳代宋贈沂水伯

趙岐曰孟子弟子

彭更宋贈雷澤伯

趙岐曰孟子弟子

公都子宋贈平陰伯

趙岐曰孟子弟子

咸邱蒙宋贈須城伯

趙岐曰孟子弟子

高子宋贈泗水伯

趙岐曰齊人嘗學於孟子

桃應宋贈膠水伯

趙岐曰孟子弟子

盆成括宋贈萊陽伯

孫奭曰盆成括嘗學于孟子

滕更

趙岐曰滕君之弟來學于孟子

按趙岐注孟子以季孫子叔二子為孟子弟子季孫知孟子意不欲而心欲使孟子就之故曰異哉弟子之所聞也子叔心疑惑之亦以為可就之矣孫宣公奭猶因其說故政和五年從太常議贈季孫豐城伯子叔乘陽伯

自朱子集注出乃使非之世莫有從趙氏之說者矣吳立夫氏撰孟子弟子列傳書雖不傳序稱一十九人則未嘗依朱子去季孫子叔二人益以滕更適合十九人之數攷盡心篇公都子曰滕更之在門也趙岐注滕更滕君之弟來學於孟子也其為弟子甚明不知宋太常之議何獨贈爵不及有不可解者至於史記索隱以公明高為孟子弟子而廣韻

注謂離婁為孟子門人無稽之言君子不信
又廣韻注詮邱字引孟子齊有曼邱不擇今
七篇無其文弟子與其不謂之弟子與吾不
得而知之矣

又按班氏古今人表孟子居第二等其弟子
公孫丑居第三等萬章樂正子告子高子居
第四等徐子居第五等餘不與焉

經義考卷二百八十二

欽定四庫全書

經義考卷二百八十三

翰林院檢討朱彝尊撰

承師三

易

田何

史記孔弟子傳孔子傳易於商瞿瞿傳楚人馯臂
子弘弘傳江東人矯子庸疵疵傳燕人周子家豎豎

傳淳于人光子乘羽羽傳齊人田子莊何

漢書儒林傳自魯商瞿子木受易孔子以授魯橋庇
子庸子庸授江東馯臂子弓子弓授燕周醜子家子
家授東武孫虞子乘子乘授齊田何子褒

按史記漢書所載授受不同姓名亦異未知
孰是荀氏漢紀陸氏釋文序錄並同漢書

田何弟子

東武王同子中

洛陽周王孫

將軍梁丁寬子襄

齊服生

梁項生

王同弟子

太中大夫淄川楊何叔元

城陽相齊即墨成

太子門大夫廣川孟但

魯周霸

呂衡胡

齊相臨淄主父偃

周王孫弟子

將軍梁丁寬子襄

丁寬弟子

碭田王孫

漢紀碭作槐里

楊何弟子

太史公司馬談

太中大夫京房

漢書注別一京房非焦延壽弟子

田王孫弟子

博士沛施讐長卿

曲臺署長蘭陵孟喜長卿

少府琅邪梁邱賀長翁

本從太中大夫京房受易後更事田王孫

施讐弟子

黃門郎琅邪梁邱臨

安昌侯河內張禹子文

會稽太守琅邪魯伯

張禹弟子

大司空長平侯淮陽彭宣子佩

少府沛戴崇子平

魯伯弟子

常山太守太山毛莫如少路

琅邪邴丹曼容

治施氏易

沛人戴賓

平帝時人

騎都尉東昏劉昆桓公

戴賓弟子

子宗正軼君文

徵士梓潼景鸞漢伯

孟喜弟子

蘭陵白光少子

沛翟牧子兄

司隸校尉魏郡蓋寬饒次公

蜀人趙賓

小黃令梁焦延壽贛

按趙賓焦延壽雖云受易於喜喜雖名賓後不肯徇翟白皆不肯以延壽易即孟氏學劉向亦以焦得隱士之說蓋漢儒恪守師說持論之嚴若此

治孟氏易

太山都尉蒙夏恭敬公

大鴻臚育陽汪丹子玉

少府中山觥陽鴻孟孫

成安令汝陽袁良孫司徒安邵公安子蜀郡太守京
仲譽司空敞叔平京子光祿勳彭伯楚彭弟太尉湯
仲河

贈褒親侯烏氏梁竦叔敬

博士綿竹任安定祖

以上見范氏後漢書

琅邪都尉廣陵徐淑伯進

議郎南陽宗資叔都

謝氏後漢書

涪長召陵許慎叔重

說文序

零陵太守曾稽虞光子平與今成孫鳳曾孫日南太

守歆元孫騎都尉翻

翻別傳

蜀諫議大夫浩杜徵國輔任安弟子

華陽國志

梁邱賀弟子

子黃門郎臨

梁邱臨弟子

御史大夫琅邪王駿

少府代郡五鹿克宗君孟

五鹿克宗弟子

光祿大夫給事中平陵士孫張仲方

真定太守沛鄧彭祖子夏

新莽講學大夫齊衡咸長賓

治梁邱易

博士代郡范升辨卿

山陽太守呂羌

博士梁恭

左中郎將京兆楊政子行

京兆祁聖元

太子少傅鄆陵張興君上子張掖屬國都尉魴

以上范氏

後漢書

張堪君游

東觀漢紀

重安侯相杜暉慈明

隸釋

焦延壽弟子

魏郡太守頓邱京房君明

京房弟子

博士東海段嘉

段或作殷

中郎河東姚平

中郎任良

博士河南乘弘

乘或作桑

吳郡周敞

治京氏易

大司農長安谷永子雲

漢書

沛獻王劉輔

侍中兼虎賁中郎將平輿戴憑次仲

弘農太守南陽魏滿叔牙

方正成武孫期仲或

太尉弘農楊秉叔節

濟北相安平崔瑗子玉

吳令安邱郎宗仲綏子郎中顓稚光

處士廣漢折像伯式

光祿大夫魯陽樊英李齊

郎中南昌唐檀子產

京兆第五元先

大司農北海鄭玄康成

以上范氏後漢書

處士南昌徐稚儒子

召陵令鄴李炳子然

光祿勳華陰劉寬文饒

東海相平陵韋著休明

以上謝氏後漢書

遼東太守山陽度尚博平

司馬氏續漢書

北唐子真

廣韻注

費縣令東平陽田君

集古錄

吳鬱林太守吳郡陸績公紀

晉隱士弘農董景道文博

著作佐郎晉陽郭琦公偉

尚書郎贈弘農太守聞喜郭璞景純

廣武將軍廬江韓友景先

趙尚書光祿大夫太子少師上洛臺產國雋

以上晉書

晉給事中成都任熙伯遠

華陽國志

費氏易

單父令東萊費直長翁

費直弟子

琅邪王璜平中

治費氏易

尚書令韓歆

司空南閣祭酒京兆陳元長孫

南郡太守扶風馬融季長

大司農河南鄭衆仲師

大司農北海鄭玄康成

司空潁川荀爽慈明

荊州五業從事章陵宋忠仲子

魏大司農華陰董遇季直

衛將軍太常蘭陵王肅子邕

尚書郎高平王弼輔嗣

高氏易

沛人高相治易自言出於丁將軍

高相弟子

子郎官康

豫章都尉蘭毋將永

韓氏易

常山太傅燕韓嬰推易意為之傳惟韓氏自傳之孫
商為博士其後涿郡韓生以易徵待詔殿中

涿韓生弟子

蓋寬饒

白氏易

博士白子友

白子友弟子

槐里令平陵朱雲字游

朱雲弟子

泰山太守九江嚴望

博士九江嚴元仲能

長安惠莊

鄭康成弟子

御史大夫山陽郗慮鴻豫

魏鎮南將軍安樂鄉侯東萊王基伯興

魏中尉清河崔琰季珪

魏太僕樂安國淵子尼

魏黃門侍郎樂安任叟昭光

河內趙商

以上見後漢書

尚書左丞北海張逸

見鄭玄別傳

冷剛

田瓊

吳模

焦喬

王權

鮑遺

陳鏗

崇精

以上見鄭志

治鄭氏易

蜀大長秋南陽許慈仁篤

晉開府儀同三司錄尚書事臨穎荀崧景猷

豫章太守順陽范甯武子

從事中郎上黨續咸孝宗

以上晉書

處士廣武周續之道祖

范甯弟子

南齊開府儀同三司領中書監琅邪王儉仲寶

散騎常侍吳郡陸澄彥深

以上南史

魏祕書令沅陽梁祚

處士華陰徐遵明子判

北齊國子博士范陽盧景裕仲孺

清河崔瑾

以上二人遵明弟子

國子博士河間權會正理

郭茂

以上二人景裕弟子

周子易

按周子之易通書是也故又名易通若夫太極一圖遠本道書圖南陳氏從而演之為圜者四位五行其中自下而上初一日玄牝之門次二曰鍊精化氣鍊氣化神次三五行定

位曰五氣朝元次四陰陽配合曰取坎填離
最上曰鍊神還虛復歸无極故謂之无極圖
乃方士修鍊之術耳當時曾刊於華山石壁
相傳圖南受之呂蟲受之鍾離權權得其
說於魏伯陽伯陽聞其旨於河上公在道家
未嘗謂為千聖不傳之秘也周子取而轉易
之亦為圖者四位五行其中自上而下最上
曰无極而太極次二陰陽配合曰陽動陰靜

次三五行定位曰五行各一其性次四曰乾道成男坤道成女最下曰化生萬物更名之曰太極圖仍不没无極之旨攷之二程子全書無一語及是圖蓋明道伊川年十四五時一見元公之後未嘗再遇則手授是圖之說實出於附會梭山陸氏謂太極圖說與通書不類疑非周子所為本愛惜周子之言也不然必欲實其說以華山刊石之圖陰用其言

乃尊為聖門要旨遂疑周子私淑於圖南其
可哉

邵子易

陳搏授易圖於种放放授許堅穆修堅授李處約處
約授范諤昌諤昌授劉牧牧授李之才之才授邵雍
象數鉤深圖

按伏羲文王孔子三聖人之易一而已矣至
康節邵子原本華山道士陳搏之學畫為先

天八卦橫圓方圖而證以天地定位一節文
謂是伏羲之易又畫後天八卦圖而證以帝
出乎震一節文謂是文王之易於是易乃析
為二伏羲文王各受其一而孔子十翼可置
而不講矣攷搏所授止曰龍圖其後李溉則
有卦氣一圖李挺之則有卦變反對六十四
卦相生二圖范諤昌則有大易源流一圖劉
牧則有鈎隱四十八圖初未嘗有先天之目

也自邵子二圖出朱子篤信不疑取以冠本
義之首後之學者不名之曰邵氏易直以為
伏羲文王所授之圖固若是從而辨之者惟
袁機仲林黃中黃東發洎明武城王道數家
焉爾

程子易

按二程子問學於濂溪尹和靖言伊川生平
用意惟在易傳然終身不言太極圖一字邵

堯夫欲傳以數學而伊川不屑此真篤信善
道確乎其不可拔者是難能也

程子傳易弟子

監察御史建陽游酢定夫

工部侍郎延平楊時中立

永興軍路提點刑獄河南郭忠孝立之

國子博士金堂謝湜

祕書省正字藍田呂大臨與叔

左奉議郎洛陽尹焞彥明

尚書右丞瑞安許景衡少伊

上舍永嘉鮑若雨商霖

處士壽安張繹思叔

張子易

按伊川嘗語其徒學易先看王弼蓋漢儒言
易或流入陰陽災異之說弼始暢以義理而
明道涑水諸公皆詆其以老莊解易愚攷橫

渠易說開卷詮乾四德即引迎之不見其首
隨之不見其後二語中間如谷神芻狗三十
輻為一轂高以下為基皆老子之言在宋之
大儒何嘗不以老莊言易然則弼罪未至深
於桀紂也

張子弟子

宣義郎京兆呂大鈞和叔

呂大臨與叔

博士武功蘇昞李明

太學正田腴誠伯

戶部侍郎三水范育巽之

朱子易

按朱子易分經異傳一從呂伯恭所定而圖說則篤信邵子冠先後天諸圖於本義前當日袁機仲寓書謂專為邵氏解釋而於易無所折衷且疑先天後天之說謂七八九六不

可為四象四爻五爻無所主名河圖洛書是
後人偽作朱子再三與辨且云此非熹之說
乃康節之說非康節之說乃希夷之說非希
夷之說乃孔子之說是直以希夷上接孔子
之易朱子未免失言矣

朱子傳易弟子

權工部尚書兼太子右庶子建陽劉燾晦伯
集英殿修撰清江彭龜年子壽

承議郎閩黃幹直卿

迪功郎主泉州安溪簿龍溪陳淳安卿

贈員外郎崇德輔廣漢卿

通直郎永嘉陳埴器之

處士建安蔡淵伯靜

迪功郎上饒陳文蔚才卿

祕書華亭林至德久

潭州善化令邵武何鎬叔京

迪功郎金華尉饒州董銖叔重

司農卿崇安詹體仁元善

集英殿修撰義烏徐僑崇甫

知建寧縣崇安江默德功

江西轉運司幹都昌馮椅儀之

道南書院堂長永福林學蒙正卿

貢士福州鄭文適成叔

知贛州軍事邵武趙善佐佐卿

著作佐郎建陽葉賀孫味道

麗水尉永嘉戴蒙養伯

處士瓜山先生侯官潘柄謙之

處士同安許升順之

處士龍坡先生福寧孫調和卿

徵士友堂先生休寧吳景叔夏

涪陵晏淵亞夫

處士敬義先生甌寧童伯羽輩卿

處士格齋先生休寧程永奇次卿

吏部右選郎順昌廖德明子晦

辰州通判光澤李方子公晦

右正言衡州襲蓋卿夢錫

知袁州豫章黃嚮子耕

無為軍教授臨海潘時舉子善

直寶章閣清江張洽元德

興國萬人傑正淳

貢士南城邑楊顯道

縣尉古田林夔孫子武

處士建昌李輝晦叔

李或作呂

處士浦城楊驤子昂

永福林學履安卿

臨川黃義剛毅然

廣西經畧安撫司幹官光澤李闕祖守約

進士長樂劉砥履之

天台林恪叔恭

永嘉徐寓居父

知遂昌縣浦城楊與立子權

合肥令婺源滕珙德章

潮州鄭南升文振

處士晉江楊至至之

南廊簿領丹陽湯泳叔永

右司郎中龍溪王遇子合

永嘉沈憫莊仲

吉水丞興國吳必大伯豐

臨川甘節吉甫

處士艸憲先生樂平金去偽敬直

處士莆田方士繇伯謨

鄱陽汪德輔長孺

永嘉王顯子敬之

處士順昌余大雅正叔

一云上饒人

處士婺源李季札季子

廣東提點刑獄西坡先生都昌黃灝商伯

一作廣西
運判

永嘉徐容仁父

忠州文學莆田鄭可學子上

處士新喻嚴世文時亨

一云字亨父

古田林用中擇之

吉州錄事參軍婺源程洵允夫

直祕閣南昌李燭敬子

一云南康建昌人

處士浦城楊道夫仲思

衡陽廖謙益仲

晉陵錢木之子升

升一作山晉陵一作永嘉

嘉興府判官臨海趙師邦共父

吏部侍郎潭州鍾震春伯

進士長樂劉礪用之

處士建陽周明作元興

延平書院長九江蔡念成元思

處士將樂鄧絅衛老

處士建昌周謨舜弼

鉛山徐子融

鄭光弼子直

處士南平黃卓先之

一云字德美

姜大中叔權

符初復仲

免解試永豐曾祖道擇之

欽定四庫全書

經義考
卷二百八十三

五

舒高

蕭佐

邵浩

連嵩卿

鄭仲履

呂光祖

范元裕

延平游敬仲

進士南城周良

山陽郭友仁德元

蔣樵

余宋傑國秀

周標

知南康軍趙師夏致道

貢士寧都曾興宗光祖

知臨安縣武義輩豐仲至

方誼賓王

呂竦士瞻

林振子玉

吳南宜之

進士南平張顯父敬之

處士建陽吳翌晦叔

黃有開

處士胡斗元聲遠

按文公弟子著錄甚多茲就其作易傳五經
說及以易義問答見於語錄者則書之

經義考卷二百八十三